

solita confirmationis nostrae patrociniocommuni plurimum desideret: Nos eundem Josephum specialibus favoribus & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure vel ab homine quavis occasione vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes & absolutum fore censentes, supplicationibus ejus nomine, Nobis super hoc humiliter porrectis inclinati, memoratum Indultum ipsi Congregationi S. Antonii Viennen. a Sede praefata concessum, ac usum in ea vigentem recitandi & celebrandi Missas & Officia Sanctorum Ordinis Canoniarum Regularium Sancti Augustini ad instar enarratae concessionis ab eodem Pio Praedecessore dictae Congregationi Lateranensem. factae, ac ad alias supradicti Ordinis Congregationes extensae & ampliatae, sicut praemittitur, auctoritate praefata tenore praesentium confirmamus & approbamus, illisque inviolabilis Apostolicae firmitatis robur adiu-

Præsentium Literarum auctoritas.

§.3. Decernentes, easdem praesentes literas, firmas validas & efficaces existere & fore, suolque plenarios & integros effectus fortiri & obtinere, ac illis, ad quos spectat & pro tempore spectabit, in omnibus & per omnia plenissime suffragari, & ab eis respective inviolabiliter observari; Sicut & non aliter in praemissis per quoscumque Judices Ordinarios & Delegatos, etiam Casuarum Palatii Apostolici Auditores, & dictae Sedis Nuncios judicari & definiri debere ac irritum & inane, si secus super his a quoquam quavis auctoritate scienter vel ignoranter contigerit attentari.

Contrarium derogatio.

§.4. Non obstantibus Constitutionibus & Ordinationibus Apostolicis, necnon, quatenus opus sit, Congregationis S. Antonii Viennen. ac Ordinis hujusmodi, etiam juramento, confirmatione Apostolica, vel quavis firmitate, alia roboratis statutis, & consuetudinibus, privilegii quoque, indultis, & literis Apostolicis in contrarium praemissorum quomodolibet concessis confirmatis & innovatis. Quibus omnibus & singulis, illorum tenores praesentibus pro plene & sufficienter expressis ac ad verbum insertis habentes, illis aliis in suo robore permanentibus, ad praemissorum effectum hac vice dumtaxat specialiter & expresse derogamus, ceterisque contrariis quibuscumque.

Datum Romae apud Sanctam Mariam, Majorem sub Annulo Piscatoris die 12 Augusti 1730. Pontificatus nostri anno Primo.

F. Card. Oliverius.

Ex lib. mensis Aug. Tass. 16.

Confirmatio quorundam Decretorum anno 1725. a SS. Domino Nostro uti ejusdem Ord. Protectore, & a Benedicto XIII. specialiter ad hoc Delegato, editorum pro bono Ordinis S. Francisci Provinciae Romanae, illiusque Fratrum regimine.

Dat. die 31. Augusti 1730. Pont. An. 1.

Alia nonnulla statuta edidit Benedictus XIII. anno 1724. die 16. Novembris Constit. Universalis Ecclesiae &c. in Bullario XXXIX.

CLEMENS PAPA XII.

Ad futuram rei memoriam.

Aliis dum Cardinalatus honore fungebamur, emanarunt a Nobis uti tunc Tertii Ordinis S. Francisci apud Sedem Apostolicam Protectore, & a fe. re. Benedicto XIII. Praedecessore Nostro ad hoc specialiter delegato, nonnulla Decreta pro salubri ejusdem Ordinis, illiusque Fratrum gubernio ac directione, tenoris, qui sequitur, videlicet:

SS. D. Noster in minoribus cum eiset, Tertii Ordinis S. Francisci Protector.

§.1. Laurentius Tit. S. Petri ad Vincula S. R. E. Presbyter Cardinalis Corfinus, Tertii Ordinis S. Francisci apud Sedem Protectore, & ad infra scripta per SS. D. N. Benedictum Divina providentia Papam XIII. specialiter delegatus = Vitis supplicibus libellis P. Magistri Ludovici Patriarchae SS. D. Nostro porrectis, rimatisque statutis generalibus Fratrum Tertii Ordinis anno 1549. compilatis, & per cl. me. Cardinalem Carpensem dicti Ordinis Protectorem approbatis, necnon Constitutionibus san. me. Urbani VIII. anno 1639. emanatis, ac Brevi sa. me. Innocentii XII. anni 1693., & pluries tam in voce quam in scriptis audito super tenore dictorum supplicum libellorum P. Procuratorum Generalium dicti Ordinis, utendo facultatibus desuper per eundem SS. D. Nostrom nobis tributis & communicatis, per hunc infra scriptum modum decernimus, declaramus, & per capita separata sententiamus.

Series Decretorum ab eodem tunc temporis emanatorum.

§.2. Et signanter quoad electionem Procuratoris Generalis Ordinis decernimus ac declaramus, imposterum faciendam esse juxta formam dicti Brevis sa. me. Innocentii XII., nimirum a Definitorio Generali tam Capituli Generalis quam Capituli Intermedii, ita tamen ut in electione servetur etiam dispositio Cap. 1. n. 23. Statutorum generalium anno 1549. emanatorum, in quo praecipitur, ne quisquam ultra triennium eodem fungatur officio, nisi uno nimirum anno ab eodem vacaverit; adeoque in futuris electionibus ille Religiosus, qui sanctus fuerit officio Procuratoris Generalis per triennium, nequeat ad idem Officium iterum eligi vel confirmari, nisi per annum vacaverit non obstante Cap. 5. de Elect. Const. Urban., in quo permittitur P. Generali quod confirmare possit ultra triennium Procuratorem Generalem, quod plane Cap. 5. revocatum fuisse & esse per dictum Breve sa. me. Innocentii XII. decernimus & declaramus.

De electione Procuratoris Generalis Ordinis a Definitorio Generali, vel Capitulo intermedio.

De hujusmodi officio ultra triennium non prorogando.

§.3. Et

De Procuratore hujusmodi non eligendo ex Provincia, ex qua sit Generalis Actualis, aut fuerit antecessor.

§.3. Et ad effectum, ut in hujusmodi electione debita iustitiae distributivae servetur ratio, praecipimus & mandamus, quod Procurator Generalis praedictus non solum eligi nequeat per toto sexennio ex illa Provincia, ex qua sit Generalis actualis, prout disposuit praedictum Breve sa. me. Innocentii XII., sed neque in primo cuiuslibet sexennii triennio eligi valeat ex illa Provincia, ex qua sit Generalis immediate Antecessor.

Prior, qui per tres annos officio Prioris sanctus fuerit, in Priorem, aut Praesidentem alicujus Conventus, non nisi transacto anno eligi possit.

Praesidentem vero, qui fuerit, non nisi ad biennium eligi possit in Priorem.

Ad officia quaecumque non nisi filii illius Provinciae admittendi.

Casus derogationis.

Provincialis Provinciae Romanae singulis annis vel pluries Canonibus SS. Cosmae & Damiani visitate teneatur.

Salva tamen quocumque jure.

Quod visitatio alicujus Conventus extra Urbem Procuratori Generali committi non possit.

De electione Discreti Conventualis.

§.4. Ut autem d. Cap. 1. n. 23. Statutorum generalium servetur etiam quoad electionem Priorum, ad eliminandum abusum, introductum eligendi Religiosum illum, qui tribus annis officium Prioris exercuit, in Praesidentem ejusdem vel alterius Conventus, decernimus & declaramus, quod Prior ille, qui per tres annos officio praedicto sanctus est, eligi non valeat neque in Priorem neque in Praesidentem, nisi transacto anno, ille vero qui Praesidentem fuit alicujus Conventus pro majori parte anni, non possit ad officium Prioris eligi nisi ad biennium, itaut tempus Praesidentatus praedicti supra annum in triennio computetur ad effectum vacationis.

§.5. Ad abolendum pariter alterum abusum, quo filii unius Provinciae eliguntur in Priores, Definidores, & aliquando etiam in Provinciales alterius Provinciae, decernimus declaramus & sententiamus, quod in futurum quaecumque praesentia consuetudine non obstante, quod ad officia quaecumque cujuslibet Provinciae admittantur filii ejusdem Provinciae tantum sub poena nullitatis electionis: In casu vero defectivae Religiosorum in Provinciae parvis, servandum esse Cap. 5. de elect. Constitutionum Urbanarum, quo decernitur, quod in sitis Provinciae parvis, si necessitas urgeat Definidores & Discreti Provinciae admitti possit etiam ad alia officia Provinciae.

§.6. Declaramus insuper & decernimus, quod Provincialis Provinciae Romanae in executionem Cap. 4. Statutorum generalium ultra Visitacionem Patris Generalis semel in anno vel saepius pro rei necessitate possit & debeat auctoritate sua Provinciali visitare, Canonibus SS. Cosmae & Damiani Urbis. Voluntatem tamen, quod per praesens Decretum, nullum inferatur praedictum praesentis iuris P. Generalis quoad pertinentiam dicti Canonii, quae jura univocum ex partibus salva esse decernimus.

§.7. Quamvis autem P. Generalis in casu quo fuerit aliis occupationibus detentus, curam Visitacionis Provinciae possit alteri demandare; attamen Visitacionem alicujus Provinciae vel Conventus extra Urbem Romanam P. Procuratori Generali committere non posse decernimus & declaramus, attenta incompatibilitate inter unum & alterum officium; ac ita imposterum servari praecipimus.

§.8. Quo vero ad electionem Discreti Conventualis decernimus ac mandamus, ut in proximo futuro Capitulo Generali proponatur omnibus Vocalibus, num expediat demandare, quod imposterum P. Generalis pro tempore nequeat praesesse & interesse hujus-

modi electionibus, vel saltem remanere debeat in arbitrio vel voluntate Capitulum Conventualium tempus, quoad electionem Discreti devenire placeat, itaut P. Generalis inhibere non possit, ut electio non perficiatur, nisi adveniente tempore suae Visitacionis; praefatoque Capitulo Generali committimus & demandamus, ut Decreta & remedia super his juxta sensum majoris partis Vocalium, conficiat ac exhibeat.

§.9. Cui quidem Capitulo Generali, ut praefertur, proxime futuro pariter committimus & demandamus, quod examinare debeat & definire, an expediat devenire ad compilationem omnium Decretorum usque modo a Capitulis Generalibus & Congregationibus intermediis confectorum; & quatenus major pars in partem devenerit affirmativam, deputandos esse per dictum Capitulum unum vel plures Patres ad praedictam compilationem perficiendam intra determinatum tempus ab eodem Capitulo praesumendum; Si vero compilationem praedictam non esse faciendam Capitulum decreverit, imprimendas esse Constitutiones Urbanas decernimus & mandamus, sumptibus omnium Provinciae intra terminum trium mensium post expletum Capitulum Generale.

§.10. Verum circa reliqua exposita & praesentia per Patrem Ludovicum Patriarcham quantum ad Magistros admittendos in Definitorio Provinciali, & ad praesentia vota Magistorum Provinciae Romanae in Capitulis Provincialibus, & Ex-Provincialium in Congregationibus intermediis, nihil innovandum, & respective servandas esse Constitutiones Urbanas, statuta generalia, & Breve Innocentii XII. decernimus & mandamus.

§.11. Attamen quia ex interestentia plurimum Superioribus & Officialibus Generalium in Congregationibus & Capitulis Provincialibus Provinciae Romanae maximum ex multiplicitate extraneorum suffragiorum oritur eidem Provinciae praedictae, ex specialibus causis in hac Provincia concurrentibus, demandamus & praecipimus, quod, quibuscumque non obstantibus, in Capitulis & Congregationibus praefatae Provinciae votum decisivum & consuetivum habere possit & debeat dumtaxat P. Generalis actualis exclusis aliis Superioribus & Officialibus generalibus, cujuscumque Provinciae sint, & qualitates; & ita praecipimus mandamus & respective declaramus non solum isto, sed omni &c. Datum ex nostris aedibus hac die 29. Martii 1735. L. Cardinalis Corfinus Protector & Delegatus Apostolicus = Loco * Sigilli.

§.12. Cum autem sicut pro parte dilecti Filii Josephi Mariae Ruccioli Fratris, expresse Professi, ac Ministri Provincialis Provinciae Romanae dicti Ordinis Nobis nuper expositum fuit, ipse, Decreta hujusmodi quo firmius subsistant & serventur exactius, Apostolica confirmationis nostrae praesidio communiri plurimum desideret: Nos ipsius Josephi Mariae votis hac in re, quantum cum Domino possumus, favorabiliter annuere volentes, eumque a quibusvis excommunicationis, suspensionis, & Interdicti, aliisque Ecclesiasticis

De compilatione omnium Decretorum a Capitulis Generalibus, vel aliis Capitulis editorum.

Pro Magistris admittendis in Definitorio Provinciali Generali nihil innovandum.

Quod in Congregationibus & Capitulis Provincialibus Provinciae Romanae ex exteris locummodo Patris Generalis actualis, votum decisivum & consuetivum habere debeat.

Hujusmodi Decretorum confirmatio per SS. D. N.

Sen-

Sententiis, censuris & penis a jure vel ab homine quavis occasione vel causa latis, si quibus quomodolibet innodatus existit, ad effectum presentium dumtaxat consequendum, harum serie absolventes & absolutum torcensentes, supplicationibus ejus nomine Nobis super hoc humiliter porrectis inclinatis, Decreta preinserta auctoritate Apostolica tenore presentium approbamus & confirmamus, illisque Apostolicæ firmitatis robur, vim & efficaciam adjicimus, ac omnes & singulos juris & facti defectus, qui desuper quomodolibet intervenisse dici prætendi vel censerî possunt, amplissime supplemus & sanamus.

Presentium litterarum fides & observantia.

§.13. Decernentes easdem presentes litteras firmas validas & efficaces existere & fore, suisque plenarias & integros effectus sortiri & obtinere, ac illis, ad quos spectat & pro tempore quocumque spectabit, in omnibus & per omnia plenissime suffragari, & ab eis respective inviolabiliter & inconcusse, & sicque in præmissis per quoscumque Judices Ordinarios & Delegatos, etiam Causarum Palatii Apostolici Auditores, ac S. R. E. Cardinales etiam de Latere Legatos, aliosve, quoslibet quacumque præminentia & potestate fungentes & functuros, sublata eis & eorum cuilibet quavis aliter judicandi & interpretandi facultate & auctoritate, judicari & definituri debere ac irritum & inane, si secus super his a quoquam quavis auctoritate scienter vel ignoranter contigerit attentari.

Obstantium in contrarium derogat.

§.14. Non obstantibus præmissis, ac Constitutionibus & Ordinationibus Apostolicis, necnon dicti Ordinis, aliisque quibusvis etiam juramento confirmatione Apostolica vel quavis firmitate alia roboratis statutis, & consuetudinibus, Privilegiis quoque, Indultis & litteris Apostolicis in contrarium præmissorum, quomodolibet concessis confirmatis & innovatis. Quibus omnibus & singulis, illorum tenores presentibus pro plene & sufficienter expressis ac ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter & expresse derogamus, ceterisque contrariis quibuscumque.

Datum Romæ apud Sanctam Mariam Majorem sub annulo Piscatoris die 31. Augusti 1730. Pontificatus nostri anno Primo.
F. Card. Oliverius.

VIII.

Jubileum Universale ad implorandum Divinum Auxilium initio sui Pontificatus pro saluari Sanctæ Ecclesiæ Catholicæ regimine.

CLEMENS PAPA XII.

Universis Christianis fidelibus presentes litteras inspecturis Salutem & Apostolicam benedictionem.

Exordium in presenti universalis Ecclesiæ statu petunt.

Ubi primum supernæ Vocis humilitatem, Nostram ad Beati Petri Cathedralam regendam evocantis sonitus auribus nostris in-

tonuit, timor & tremor venerunt super Nos, & contexerunt Nos tenebræ, meritoque ad Dominum cum Propheta exclamavimus: *Cantic. Habacuc.* Audivi auditum tuum & timui: consideravi opera tua & expavi: cum non ignoremus & muneris magnitudinem & virium nostrarum imbecillitatem, animoque prospiceremus miseram temporum conditionem & undique circumstantes difficultates angustias ac pericula; & (quod Nos maxime angebat) Sancta Dei Ecclesia tot hæresibus & in Religione diffidiis lacera, multorumque filiorum suorum, a salutari Christi norma graviter deviantium vitiis sæda oculis nostris obversaretur, facta quasi vidua plorans in nocte, & lacrymæ ejus in Maxillis ejus; ut illud jure conqueri possemus: quomodo obscuratum est aurum, mutatus est color optimus, dispersi sunt lapides Sanctuarii in capite omnium platearum. Quæ in amaritudine animæ nostræ cogitantes; non aliter delatam Apostolicæ servitutis sarcinam, quam ut increbrescentis Divinæ vocis imperio, quemadmodum par erat, humiliter obsequeremur dolentes susceperimus. Cælesti autem monito edocti, quod sicuti nemo de sua justitia præsumere, ita de Dei misericordia diffidere nemo debet, Patrem totius consolationis assidue deprecamur, ut qui tanti fuit Nobis honoris auctor, fore non dedignetur administrationis adjutor; ac ne sub oneris gravitate succumbamus, supponat manus suas; & virtutem largiatur, qui contulit dignitatem. Id ipsum & vos, quibus pastorem curam impendere capimus, & deinceps, quamdiu divinæ Bonitati placuerit, impensuri sumus, coniunctis Nobiscum precibus agatis.

Jerem.

§.1. Deposito itaque per veram penitentiam peccatorum pondere, precibus, jejuniis, aliisque pietatis operibus auxilium ex alto sinceris concordibusque suffragiis imploremus, ut a quo omne datum optimum, & omne donum perfectum descendit, det Nobis Spiritum Consilii & fortitudinis, quo commissum Nobis Dominicum Gregem feliciter regere, ac cum illo ad æternæ vitæ gloriæ pervenire mereamur. Et quia præcipua pastorales muneris nostri partes sunt, omnibus Ecclesiis, quarum Nobis divinitus injuncta est sollicitudo, idoneos Præsules constituere, precemur æternum Pastorem, ut qui Vicariam suam in terris Potestatem humilitati Nostræ concedere dignatus est, tales Nobis tribuat, Ecclesiis universis Pastores præficere, qui & ipsi facti forma gregis populum curæ suæ creditum, non solum doctrina verbi, sed etiam exemplo boni operis prospere dirigant & Ecclesias sibi commissas uberius pietatis incrementis locupletent.

Adhortatio ad Christianos fideles, ut sanctis operibus S. S. suscipiantur.

Quam necessarium idoneos Præsules minoribus Ecclesiis constituere.

§.2. Antistites vero Catholici, in partem sollicitudinis nostræ vocati, in hoc serio incumbant, ut eos deligant Ordinis Ecclesiastici ministros, præsertim animarum Rectores, qui munia sua digne impleant, & vivos lapides in edificium Cælestis Jerusalem præparare, adnitantur. Religiosi quoque & Sanctimonialia vota sua Domino in Sanctitate & Justitia reddant, ut suavis Christi odor de bonæ conversatione fragrans Sanctam Matrem

Quodque ipsi incumbant munus selectos sibi ministros comparare.

trem Ecclesiam recreat, ac omnes demum fideles, abjicientes opera tenebrarum, & induentes arma lucis, ita dirigant in conspectu Domini vias, & gressus suos, ut Fidei, quam profitentur, finem & repromissionem, salutem scilicet animarum suarum, reportare valeant, jugiter memores, oportere Nos, quotquot & qualescumque tandem sumus, post emensum hujus mortalis evi stadium, manifestari ante Tribunal Christi, ut referat unusquisque, prout gessit, sive bonum sive malum. Oremus unanimiter, ut Deus pacis, qui Reges in thronos collocat, dies nostros in sua pace disponat, ac Principum Christianorum Animos vinciat in vinculo charitatis, Turcarum aliorumque Infidelium vires & consilia conterat. A magno Patre familias supplices petamus, ut vineam suam, quam plantavit, electam custodiat; Hæreticos & Schismaticos ad Catholicæ fidei veritatem Ecclesiæque unitatem reducat; populumque suum protegat, & ab iracundiæ suæ flagellis ac terroribus misericorditer liberet. Hæc vero ut ferventiori spiritus ardore, uberiusque fructu fiant, præsum ac laudabilem Romanorum Pontificum Prædecessorum Nostrorum morem secuti, cælestium munerum Thesauros, quorum dispensationem, fidei nostræ commisit divina dignatio, profere, & liberali manu erogare decrevimus.

Indicium prædicti Jubilæi.

§.3. Itaque de Omnipotentis Dei misericordia ac Beatorum Petri & Pauli Apostolorum ejus auctoritate confisi, ex illa ligandi atque solvendi potestate, quam Nobis Dominus licet indignis contulit, universis & singulis utriusque sexus Christianis fidelibus in Alma Urbe nostra degentibus, qui solemnî processioni, quam Dominica tertia currentis mensis Septembris ab Ecclesia Sanctæ Mariæ Angelorum in Thermis ad Basilicam Sanctæ Mariæ Majoris nuncupatam de eadem Urbe una cum Venerabilibus Fratribus Nostri S. R. E. Cardinalibus, necnon Patriarchis, Archiepiscopis & Episcopis, quos in Romana Curia adesse contigerit, ac Christianorum Regum & Principum Oratoribus apud Nos existentibus, Prælatibus quoque & Officialibus ejusdem Curie, universonque Clero & Populo benedicente Domino de more agemus, devote interfuerint; vel Sancti Joannis in Laterano Principis Apostolorum, & Sanctæ Mariæ Majoris dictæ Urbis Ecclesiæ seu Basilicæ, vel earum aliquam, intra spatium illius vel alterius proximæ subsequentiæ hebdomadæ, saltem semel devote visitaverint, ibique per aliquod temporis spatium pias ad Deum preces, ut supra effuderint; ac quarta & sexta feria & Sabbato alterius ex præfatis hebdomadis jejunaverint & peccata sua confessi Sanctissimum Eucharistiæ Sacramentum in Dominica die immediate sequenti, vel alia die intra eandem hebdomadam reverenter sumpserint, ac Pauperibus aliquam elemosynam, prout unicuique suggererit devotio, erogaverint.

Conditiones requiritæ ad consecutionem hujusmodi Indulgentiarum.

Existentiis extra Urbem, quo pacto Indulgentias hæc assequi possint.

rum exercent, postquam ad eorum notitiam, hæc nostræ pervenerint, designandas, vel Ecclesiarum hujusmodi aliquam spatio duarum similiter hebdomadarum a publicatione designationis per Ordinarios vel eorum Vicarios seu Officiales vel alios, ut præfertur, faciendæ decursurarum, saltem semel visitaverint, ibique supra, oraverint, ac quarta & sexta feriis ac Sabbato alterius ex hebdomadis hujusmodi jejunaverint, pariterque peccata sua confessi, ac in die Dominica immediate sequenti, vel alia die intra eandem hebdomadam, Sanctissima Communione refecti fuerint, & pauperibus aliquam elemosynam ut præmittitur, erogaverint, plenissimam omnium peccatorum suorum Indulgentiam & remissionem, sicut in anno Jubilæi visitantibus certas Ecclesias intra & extra Urbem prædictam concedi consuevit, tenore presentium concedimus & elargimur. Navigantes vero & iter agentes, ut cum primum ad sua sese domicilia receperint, supra scriptis peractis, & visitata Ecclesia Cathedrali vel majori aut Parochiali loci eorum domicilii, eandem Indulgentiam consequi possint & valeant.

Pro Navigantibus.

§.5. Regularibus autem personis utriusque sexus etiam in Claustris perpetuo degentibus, necnon aliis quibuscumque tam laicis quam Ecclesiasticis, Sæcularibus vel Regularibus, etiam in Carcere aut in captivitate existentibus, vel aliqua corporis infirmitate, seu alio quocumque impedimento detentis, qui supra expressa vel eorum aliqua præstare nequiverint, ut illa Confessarius ex jam approbata a locorum Ordinariis ante præsentium publicationem, seu approbandis, eis in alia pietatis opera commutare, vel in aliud proximum tempus prorogare possit, eaque injungere, quæ ipsi penitentes efficere poterunt, pariter concedimus & indulgemus.

Pro Regularibus in Claustris degentibus.

Ceterisque legitime impeditis.

§.6. Insuper omnibus & singulis Christianis fidelibus utriusque sexus tam Laicis quam Ecclesiasticis Sæcularibus & Regularibus cujusvis Ordinis, Congregationis, & Instituti tam in Urbe præfata quam extra eam ubique locorum, ut præfertur, degentibus, licentiam concedimus & facultatem, ut sibi ad hunc effectum eligere possint quemcumque Presbyterum Confessarium tam Sæcularem, quam cujusvis Ordinis & Instituti Regularem ex approbatis, ut præmittitur, a locorum Ordinariis, qui eos ab excommunicationis suspensionis & aliis Ecclesiasticis sententiis & censuris, a jure vel ab homine quavis causa latis seu inflatis, necnon ab omnibus peccatis excessibus criminibus & delictis quantumvis gravibus & enormibus, etiam locorum Ordinariis, siue Nobis & Sedi Apostolicæ etiam in litteris die Cænæ Domini legi solitis contentis, & aliis per quascumque Nostras aut Romanorum Pontificum Prædecessorum Nostrorum Constitutiones, quarum tenores presentibus haberi volumus pro expressis, quomodocumque reservatis, in foro conscientie, & hac vice tantum absolvere & liberare valeant; & insuper vota quæcumque (Religionis & Castitatis exceptis) in alia pia & salutaria opera commutare, injuncta tamen eis & eorum cuilibet in prædictis omnibus casibus

De Confessione eligendo, eisque facultate.

penitentia salutari, aliisque ejusdem Confessarii arbitrio injungendis.

De hujusmodi Jubilæo ubique publicando.

§.7. Quapropter tenore presentium in virtute sanctæ obedientiæ districte præcipimus atque mandamus omnibus & quibuscumque Venerabilibus Fratribus Patriarchis, Archiepiscopis, Episcopis, & aliis Ecclesiarum Prælati, ac quibuscumque Ordinariis locorum ubicumque existentibus, eorumque Vicariis & Officialibus, vel iis deficientibus, illis qui curam Animarum exercent non tamen, qui per dictos Prædecessores a Sanctæ Romanæ Ecclesiæ Communionem quomodolibet separati fuerint, ut cum presentium literarum transcripta aut exempla, etiam impressa, acceperint, illa statim absque ulla mora retardatione vel impedimento per suas Ecclesias & Dioceses, Provincias, Civitates, Oppida, Terras, & loca publicent & publicari faciant Ecclesiamque seu Ecclesias visitandas designent.

De casibus reservatis.

§.8. Non intendimus autem, per presentes super aliqua irregularitate publica vel occulta, nota, defectu, incapacitate seu inhabilitate, quoquo modo contracta, dispensare, vel aliquam facultatem tribuere dispensandi seu habilitandi & in pristinum statum restituendi etiam in foro conscientiæ; neque pariter eandem præsentibus iis, qui etiam eorum nomine speciatim non expresso a communione Sanctæ Romanæ Ecclesiæ, ut præfertur, segregati, seu a Nobis & Apostolica Sede, vel ab aliquo Prælato vel Judice Ecclesiastico excommunicati, suspensi, interdicti, seu alias in Sententias & Censuras incidisse declarati vel publice denunciati fuerint, nisi intra tempus dictarum duarum hebdomadarum satis fecerint, aut cum Partibus concordaverint, ullo modo suffragari posse aut debere.

Clausula derogatoria.

§.9. Non obstantibus Constitutionibus & Ordinationibus Apostolicis, præsertim quibus facultas absolventi in certis tunc expressis casibus ita Romano Pontifici pro tempore existenti reservatur, ut nec etiam similes vel dissimiles Indulgentiarum & Facultatum hujusmodi concessionem, nisi de illis expressa mentio, aut specialis derogatio fiat, cuiquam suffragari queant; necnon Regula nostra de non concedendis Indulgentiis ad instar, ac quorumcumque Ordinum & Congregationum sive Institutorum Regularium, etiam juramento confirmatione Apostolica vel quavis firmitate alia roboratis statutis, & consuetudinibus, privilegiis quoque, Indultis & literis Apostolicis eidem Ordinibus Congregationibus & Institutis illorumque personis, quomodolibet concessis approbatis & innovatis. Quibus omnibus & singulis, etiam si de illis eorumque totis tenoribus specialis specificæ expressa & individua, non autem per clausulas generales idem importantes, mentio seu quævis alia expressio habenda, aut aliqua alia exquisita forma ad hoc servanda foret, illorum tenores presentibus pro sufficienter expressis, ac formam in eis traditam pro servata habentes, hac vice specialiter nominatim & expresse ad effectum præmissorum derogamus, ceterisque contrariis quibuscumque.

§.10. Ut autem presentes nostræ, quæ ad

singula loca deferri non possunt, ad omnium notitiam facilius deveniant, volumus, ut eorumdem presentium transcriptis vel exemplis, etiam impressis, manu alicujus Notarii publici subscriptis, & sigillo Personæ in Dignitate Ecclesiastica constitutæ munitis, ubique locorum & gentium eadem prorsus fides habeatur, quæ haberetur ipsis presentibus, si forent exhibitæ vel ostensæ.

Transumptorum fides.

Datum Romæ apud Sanctam Mariam Majorem sub Annulo Piscatoris die 9. Septembris 1730. Pontificatus Nostri anno Primo.

F. Card. Oliverius.

IX.

Confirmatio Statutorum & Decretorum pro Congregatione Hispaniæ Fratrum Discalceatorum Ordinis Sanctissimæ Trinitatis Redemptionis Captivorum, in Capitulo & Diffinitorio Generalibus dictæ Congregationis factorum.

Dat. die 11. Septemb. Anno 1730. P. 1.

Alia non absimilia Statuta pro regimine Provinciarum hujusce Congregationis, ac præcipue pro Congregatione Sancti Joachimi Poloniæ confirmavit Benedictus XIII. Constit. Militantis Ecclesiæ &c. num. CXCVI. Constit. vero Exponi Nobis &c. num. CCXVI. Capitulo ac Diffinitorio Generalibus facultatem concessit Decreta & Statuta condendi pro regimine omnium Provinciarum suæ Congregationis; quæ hic a Sanctissimo Domino Nostro confirmantur.

Edita Decreta pro universi Ordinis Provincialis.

Confirmantur.

CLEMENS PAPA XII.

Ad futuram rei memoriam.

Pastoralis officii, quod auctore Deo gerimus, sollicitudo Nos urget, ut paternam Christianissimæ Altissimi obsequii sub archioris vitæ regularis Instituto mancipatorum curam peculiari charitate gerentes ea, quæ pro felici prosperoque illorum regimine & gubernio provide constituta esse noiscuntur, quo firma semper atque stabilia permaneant, Apostolici muniminis præsidio roboremus.

Exordium.

§.1. Exponi siquidem Nobis nuper fecit dilectus Filius modernus Procurator Generalis Congregationis Hispaniæ Fratrum Discalceatorum Ordinis Sanctissimæ Trinitatis Redemptionis Captivorum, quod alias postquam fel. rec. Benedictus Papa XIII. Prædecessor Noster per quasdam suas in simili forma Brevis die 4. Augusti 1727. expeditas literas, quædam Decreta Diffinitorii Generalis ejusdem Congregationis pro salubri Provincia Sancti Joachimi, non ita pridem in Regno Poloniæ institutæ, potissimum edita approbaverat, ac per alias suas in pari forma Brevis literas die 26. Februarii 1728. postmodum emanatas Capitulo Generali Congregationis præfatæ tunc proxime celebrando, ac deinde eidem Diffinitorio Generali facultatem concesserat novas condendi leges seu constitutiones ad uni-

Juxta facultatem Congregationi huic a Bened. XIII. (de qua superius) concessam.

uniforme gubernium, in omnibus ipsis Congregationis Provinciis, tam eatenus intra & extra Hispaniarum Regna & dominio erectis, quam ubicumque impostum erigendis, stabilendum; necnon ad Capitulum Generalium & Provincialium celebrationem spectantes, habendo tamen præ oculis decreta Diffinitorii Generalis pro dicta Provincia Sancti Joachimi, sic, ut præmittitur, edita & approbata, quæ nihilominus explicare, extendere, moderari, & ad uniformitatem dicti Gubernii accomodare possent, itaut novæ leges seu constitutiones sic condendæ ab hac Sancta Sede approbarentur, & alias, prout in binis memorati Benedicti prædecessoris literis, quarum tenores presentibus pro plene & sufficienter expressis, & ad verbum insertis haberi volumus, plenius continentur; Nuperum Capitulum ac successivè Diffinitorium generalia prædicta, facultati & literis præfatis inhærendo, diversa statuta ac nova Decreta pro uniformi omnium Provinciarum dicti Ordinis regimine ediderunt, & ad hanc Sanctam Sedem transmitti curarunt, ut nostro & ejusdem Sedis patrocinio munitur.

Edita Decreta pro universi Ordinis Provincialis.

Confirmantur.

§.2. Nos vero eadem statuta & nova decreta Venerabilibus Fratribus Nostri S.R.E. Cardinalibus negociis & consultationibus Episcoporum & Regularium præpositis discutenda commisimus, qui audita desuper dilecti filii nostri Ludovici ejusdem S. R. E. Presbyteri Cardinalis Bellugæ & Muncada nuncupati, ad ejusmodi negotium examinandum a dictis Cardinalibus deputati, relatione, illa per eundem Ludovicum Cardinalem corrigi, ac modificari mandarunt, prout re ipsa ab ipso Ludovico Cardinale correctæ, modificatæ, ac in unum volumen redactæ fuerunt tenoris, qui sequitur videlicet.

Statuta ac Decreta a Capitulo generali, ac generali Diffinitorio Ordinis Discalceatorum Sanctissimæ Trinitatis Redemptionis Captivorum stabilita ac ordinata pro uniformi gubernio omnium Provinciarum tam hætenus intra & extra Hispaniarum Regna erectarum, quam ubicumque impostum erigendarum.

Benedict. XIII. pro hujusmodi Decretorum confirmatione concessiones.

§.3. Sanctissimus Dominus Noster fel. rec. Benedictus XIII. per suas literas sub forma Brevis expeditas die 4. Augusti anni 1727. auctoritate Apostolica approbavit & confirmavit omnia & singula decreta, quæ Diffinitorium generale Ordinis Discalceatorum Sanctissimæ Trinitatis Redemptionis Captivorum Congregationis Hispaniæ statuerat pro bono regimine Provincie Sancti Joachimi auctoritate Apostolica in Regno Poloniæ erectæ, & per alias literas etiam in forma Brevis expeditas die 26. Februarii anni 1728. Sanctitas Sua benigne indulsit, & amplam facultatem concessit Capitulo generali tunc proxime eodem anno celebrando, & post ipsius Capituli celebrationem Diffinitorio generali tunc futuro & nunc existenti, ad effectum statuendi uniforme gubernium omnium Provinciarum tam hætenus intra & extra Hispaniarum Regna erectarum, quam

ubicumque in posterum erigendarum, ac condendi & statuendi novas leges & ordinationes non solum pro dicto uniformi regimine, sed spectantes etiam ad Capitulum generalium & provincialium celebrationem, habendo tamen præ oculis prædictas literas pro regimine Provincie Sancti Joachimi expeditas, quas similiter concessit posse explicari, extendi, moderari, & accommodari ad prædictum regimen uniforme; ideoque prædictum Capitulum generale, proxime præteritum, & post ipsum subsequens, præsentique Diffinitorium generale, supradictis facultatibus & concessionibus innitendo, sequentia decreta, & ad uniforme omnium Provinciarum Ordinis statuta ordinarunt & statuerunt.

Quod Breve Bened. XIII. pro Provincia S. Joachimi in Polonia exten datur ad reliquas totius Ordinis Provincias.

§.4. Primo, quod prædictum Breve pro bono regimine Provincie Sancti Joachimi, & in eo gubernium illius Provincie Sanctissimo Domino Nostro fel. rec. Benedicto XIII. confirmatum, extendatur ad omnes totius Religionis Provincias modo erectas, & imposturum erigendas tenore sequenti, quo Decreta illa explicata, extensa, & accomodata sunt vi facultatis Capitulo & Diffinitorio generali concessæ per literas supracitatas, & ultimo expeditas ab eodem Sanctissimo Domino: scilicet quod Capitulum Provinciale in singulis Ordinis Provinciis celebretur de triennio in triennium sabbato, si fieri possit, antequam quartam Dominicam post Pascha, itaut in duabus Provinciis, vel in tribus, si creverit numerus Provinciarum cujuscumque familie, celebretur anno præcedenti ad Capitulum generale; in alia aut aliis Provinciis anno post Capitulum generale, nisi justa de causa. Superior generalis ex familia assumptus aliquod Capitulum anteponat vel postponat, quod facere poterit per tres tantum menses; tunc enim celebrabitur tempore & die designando ab ipso Superiore generali, & semper extra Curias Principum in Domo ad arbitrium prædicti Superioris, consulto tamen Diffinitorio Provinciali, destinanda.

De tempore celebrandi Caputula Provincialia.

§.5. Secundo, quod Diffinitores Provinciales, quos pro efformatione Provinciarum Diffinitorium generale vi prædictarum facultatum elegit, post Capitulum generale, proxime præteritum, quatuor scilicet pro unaquaque Provincia, quique modo nullam jurisdictionem exercent ex defectu confirmationis Apostolicæ, immediate post confirmationem prædictæ Sedis Diffinitoria celebrare, aliaque sui muneris facere possint.

Quod Diffinitores Provinciales jurisdictionem suam exercere possint post confirmationem Apostolicam.

§.6. Tertio, quod ceteri Vocales similiter electi a Diffinitorio generali juxta prædictam facultatem, ipsique Diffinitores Provinciales vocem activam habeant, & exercere possint in Capitulo Provinciali suæ respective Provincie, & respective in suo Diffinitorio ipsi Diffinitores, si ante primum Capitulum aliquo Diffinitorio competat electio.

Quod Vocales a Diffinitorio electi pro unaquaque Provincia vocem activam habeant in Capitulo Provincialibus suarum Provinciarum.

§.7. Quarto, quod ut futuris temporibus nullum Capitulum Provinciale concurrat ipso die & anno cum Capitulo generali, ad quod concurrere debent Provinciales, omnia Capitula sex Provinciarum, quæ prima & immediata erunt, celebrentur a sabbato ante quartam Dominicam post Pascha anni proxime

De concurrentia Capituli Provincialis cum generali.

xime venturi 1731. usque ad Sabbatum ante quartam Dominicam post Pascha anni immediate sequentis 1732. tempore & diebus intra prædictum annum, designandis a Diffinitorio generali pro commodiore cuiuscumque Capituli celebratione.

§.8. Quinto, quod sequentia Capitula Provincialia, quæ secunda erunt cuiuscumque Provinciæ, celebrentur ante & post Capitulum generale modo supradicto, itaut in Provinciis, in quibus hæc priora Capitula prius celebrata fuerint, secunda celebrentur Sabbato ante quartam Dominicam post Pascha anni 1735., & in aliis in quibus posterius hæc prima celebrata fuerint eodem Sabbato celebrentur anni 1736., sic enim futuris temporibus de triennio in triennium sine concurrentia Capituli generalis celebrabuntur.

§.9. Sexto, quod ad Capitulum Provinciale Superior Provincialis per suas literas convocet Gremiales juxta instructionem Superioris generalis, qui per sex menses ante Capitulum tenebitur illi notam facere designationem Domus, temporisque & diei, ut ea omnia denunciaret in literis convocatoriis eis, qui concurrere debent & possunt. De his autem convocatoriis idem intelligatur, quod dictum est circa Capitulum generale Ordinis, ut earum vi Gremiales reputentur vocati. At vero de illis Superior Provincialis certiorrem faciat Præsidentem Capituli illico ac in Domum Capitularem accedat Præses:

§.10. Septimo, quod in quocumque Capitulo Provinciali cuiuscumque familia, scilicet intra & extra Hispaniam, Præses erit Superior generalis Ordinis, si aduerit intra illam; si vero extra illam fuerit, Præses erit, in altera familia Superior generalis illius, sive sit Commissarius sive Vice-Commissarius sit: In propria vero familia Superioris generalis Ordinis, si prædictus Superior generalis fuerit extra illam, Præses erit ille, quem pro tempore suæ absentia elegerit in Præsidentem totius familie; Si autem ob iustas causas, vel quia duo Capitula eodem anno concurrant in Provinciis longe inter se distantibus, Superior generalis, nisi magno labore ad aliud Capitulum Provinciale concurrere nequeat, tunc & eo casu poterit designare Præsidentem pro Capitulo Provinciali, cuius præsidendam pro se non selegerit; Cæterum semper tenebitur eligere Præsidentem ex Provincia, intra quam celebrabitur Capitulum, & nisi instante Diffinitorio Provinciali concurrentibusque omnibus suffragiis præter unum, designare non poterit, Præsidentem ex altera ejusdem familie Provincia assumptum.

§.11. Octavo, quod in his primis Capitulis Provincialibus præcedentibus Capitulum generale, in quo Ministri generalis electio incidit, cuiuscumque Capituli Provincialis Præses sit Minister generalis, vel Diffinitor generalis filius illius Provinciæ, vel quem ipse Minister generalis ex eadem Provincia designet in Præsidentem; quod intelligendum est intra & extra Hispaniam, & quatenus contingat fieri divisionem Familiarum in futuris Capitulis generalibus cum confirmatione Sanctæ Sedis ad instar illius divisionis, qua

habetur in Religione Sancti Francisci, tunc præsidenda vel Præsidis designatio fiet a Commissario generali respectu Provinciarum illius Familie, quam Commissarius generalis gubernabit.

§.12. Nono, quod ad Capitulum Provinciale, nisi detenti fuerint infirmitate vel impedimento inevitabili, concurrere debent sub pœna privationis vocis activæ & passivæ in perpetuum Superior Provincialis, Diffinitores Provinciales, duo Ministri socii Redemptor Captivorum, & Procurator Provinciæ; itaut si in aliqua familia fuerit aliquis Procurator plurium Provinciarum in alicujus Principis communi Curia, hic suffragium habere debeat in Capitulo suæ Provinciæ, de qua assumptus fuerit; & in eo casu licet sit alius Procurator particularis ejusdem Provinciæ, hic non habeat suffragium. Deinde suffragium habere possunt, quin cogantur adesse, Capitulum, qui aliquando fuerint Superiores generales, aut Diffinitores generales Ordinis, vel Familie ex ea Provincia assumpti, vel qui fuerint Provinciales illius; demum ad Capitulum, & extra Domum Capitularem sub prædicta pœna privationis accedere tenentur duo socii in defectum.

§.13. Decimo, quod in aula Capitulari & extra illam tempore Capituli sedeant præcedant & præsideant Capitulares eo modo & forma, quibus dictum est de vocalibus Capituli generalis. Moneamus autem Patres Diffinitores generales actuales, ut tempore hujusmodi Capituli extra Domum Capitularem in alio Conventu commorentur, nisi actuali infirmitate impediatur a prædicta. Domo Capitulari ad alium Conventum pergere, vel nisi aliquis ipsorum sit Præses Capituli.

§.14. Undecimo, quod Capitulares solum ingredi poterunt Domum Capitularem feria quinta immediate ante celebrationem Capituli exceptis illis, qui excipiuntur respectu Capituli generalis, & adeptis sociis secundis, qui nisi vocati, accedere non poterunt. Studentes autem, qui examinandi fuerint post electiones, accedere poterunt. De cætero autem circa præambula ante electiones similiter observanda sunt omnia, quæ statuta sunt circa Capitulum generale in Constitutionibus Ordinis; eligibilitatis vero scrutinia pariter fiant, hoc nimirum modo: Eadem feria quinta Præses Capituli omnibus Gremialibus manifestet catalogum, a Diffinitorio provinciali ipsi traditum, omnium Religiosorum, qui intra Provinciam juxta nostras Constitutiones, inspectis graduatione & interstitiis, apti sint, ut ex illis fiat eligibilitatis scrutinium.

§.15. Duodecimo, quod feria sexta congregentur in aula Capitulari, ut ex aptis juxta catalogum illis creditum a Præsidente ad officium Provincialis, unusquisque gremialium in schedula una scribat nomina, quinque eorum, quos juxta suam conscientiam selegerit inter omnes ad tale munus. Postea omnium schedulæ extrahantur ab urna aut vase destinato, & a Præsidente duobusque immediate Vocalibus secreta regulentur, itaut

De iis qui ad Capitula Provincialia concurrere debent etiam sub pœna utriusque vocis.

De præcedentibus.

Diffinitores Generales tempore Capituli Provincialis extra Domum Capitularem commorari debent.

De tempore, quo Capitulares Domum Capitularem ingredi debent.

De modo faciendi scrutinia eligibilitatis.

De modo eligendi Provinciales per Gremiales.

De tempore celebrandi sequentia Capitula Provincialia post primum Generale.

De convocacione Gremialium ad Capitula Provincialia, & Literis convocatoriis.

De Præsidente Capituli Provincialis.

De modo eligendi Præsidentem Capituli Provincialis, quæ primum Generale præceferint.

itaut selectis illis, qui plures voces habuerint, juxta dicta de hoc scrutinio in Capitulo generali faciendo, eorum nomina scribantur ab uno trium, & facta juxta ibidem dicta, scrutinio usque ad numerum quintum eligibilium, eligibiles declarentur & publicentur, ut Gremialibus omnibus constet ipsos eligibiles esse, ut ex illis suo tempore eligant in Provinciale illum, quem omnibus inspectis quisque judicet eligendum.

§.16. Tertiodecimo, quod post hoc scrutinium fiat secundum ad Diffinitorum Provincialium selectionem; & quia inter Diffinitores nulla inæqualitas est officii, quisque Gremialium in sua schedula nominare debet octo ex aptis ad munus Diffinitoris, & scrutinium fieri debet octo ex illis, qui plures voces habeant, itaut solum nominentur proxime eligibiles in Diffinitores octo ex omnibus aptis, ut ex eis tempore suo eligant Vocales quatuor Diffinitores Provinciæ. Similiter tertium fiat scrutinium ad Ministrorum selectionem, & ad illud ex aptis, ut dictum est, unusquisque Vocalium in sua schedula scribat talem numerum Religiosorum aptorum, ut in medietate excedat numerum Domorum Provinciæ, pro quibus eligendi sunt Ministri: Hoc enim more fit inter Carmelitas Excalceatos: & facta scrutinio, regulatissime vocibus modo dicto, seligantur eligibiles in Ministros usque ad ministeriorum duplicatum numerum, ut ex his omnibus Ministri eligi possint, quin Vocales teneantur eligere in Ministrum alicujus Domus unum ex duobus determinate sumptis, sed valeant eligere, quem maluerint ex contentis in supradicto numero: Denique ad Sociorum omnium selectionem fiat scrutinium, sicuti ad seligibilitatem Diffinitorum.

§.17. Quarto decimo, quod Præses Capituli manifestet Vocalibus graduationem Domorum a se factam præcise ad eligendos Ministros pro illis ut habetur in Clementinis Constitutionibus nostris, & statim separentur Capitulares a Diffinitorio, quod solum deputare debet dictos Vocales ad legendas epistolas missas ad Capitulum juxta dicta de Capitulo generali.

§.18. Quintodecimo, quod sequenti die sabbato, nempe factis omnibus, quæ fieri debent in Capitulo generali, congregentur in aula Capitulari, & facta a Præsidente exhortatione lingua omnibus communi fiant absolutio, electorum juramentum, electio Secretarii Capituli, Scrutatorum, Secretarii Scrutini, & Pronunciatoris, eadem forma eisdemque factis juramentis, sicut dictum est de Capitulo generali in Constitutionibus Ordinis, & his omnibus finitis ad electiones procedant Vocales.

§.19. Decimo sexto, quod ante prandium fiat semper, & sola fiat electio Ministri Provincialis; qua facta, omnes Vocales præter Præsidentem & Superiorem Provinciale, cuius officium expirat, pergant processionaliter in Ecclesiam cantantes Hymnum Te Deum &c. & ibi ab eo benedictionem accipiant eo modo & forma, quibus juxta nostras Constitutiones Clementinas fit in electione Ministri generalis. Vespere autem

congregetur Capitulum, & si Provincialis electus præfens fuerit, sedeat immediate ad Præsidis sinistram; non tamen prædeat aliis Vocalibus, quamvis eos præcedat, nec officium exerceat, usquequo finiatur Capitulum, nec si absens sit, illum Capitulum expectet, sed prosequatur, & fiant electiones quatuor Diffinitorum Provincialium, quorum præcedentia post confirmationem juxta Ordinem electionis regulanda erit.

§.20. Decimo septimo, quod sequentibus diebus, qui omnes pro celebratione Capituli ad summum erunt novem, fiant electiones Ministrorum Conventualium, secundum graduationem Domorum antea dictam, & post omnium Prælatorum electiones eligantur canonicæ duo Socii ex Ministris noviter electis, qui ad Capitulum Provinciale futurum concurrere debeant, ut Socii primi. Præterea eligantur alii duo, qui fuerint aliquando Ministri, quamvis in eo Capitulo in Ministros non sint electi, ut ad Capitulum futurum accedant vocati tanquam Socii secundi, quorum primus, deficiente aliquo gremiali, cui concurrere non sit liberum, suffragium habeat pro eo, & secundus suffragium habeat, si deficiat alter, quique ambo in loco proximo extra Domum Capitularem manere debent tempore Capituli, ut præsto sint concurrere, si vocentur; non autem eligi poterit in Socium primum aut secundum, qui in eo Capitulo Socius fuerit, quamvis in eo eligatur in Ministrum.

§.21. Decimo octavo, quod in casu, quo post trinum scrutinium adhuc non fuerit electio canonica secuta, tunc omittis scrutiniis, eo ipso habeatur tanquam legitime electus vi huius Constitutionis ille, pro quo fuerit major numerus suffragiorum, quam pro alio aut aliis: Si vero pro duobus fuerit æqualis numerus suffragiorum major, quam pro aliis, tunc antiquior in professione reputabitur & habebitur tanquam legitime electus.

§.22. Decimo nono, quod si per mortem, aut aliam quamvis causam Socius aliquis pro suo munere non possit accedere ad Capitulum, tunc Diffinitorium Provinciale tempore apto eligat Socium loco illius.

§.23. Vigésimum, quod si aliquis Prælati vel particularis Religiosus aliquid animadvertendum vel nota dignum habuerit, id credat Provinciali suo, vel alicui Socio ex primis suæ Provinciæ, ut ipse tradat destinatis a Diffinitorio Provinciali ad legendum epistolas.

§.24. Vigésimo primo, quod factis canonicæ electionibus fiant omnia, ut habentur in Constitutionibus nostris Clementinis numero 16. fol. 168. usque ad verbum Captivorum; & postea addatur Capitulum Provinciale, quamvis non possit novas Constitutiones statuere, poterit ordinationes facere ad melius regimen suæ Provinciæ, dummodo nihil sit contrarie ordinationibus factis a Capitulis generalibus, vel generalibus Diffinitoriis.

§.25. Vigésimo secundo, quod Ordinationibus factis, extra Aulam Capitularem fiat examen Studentium, qui concurrere debent

De electione similiter Diffinitorum Provincialium per Gremiales.

De Domorum graduationem ad Ministros eligendos, a Capituli Præsidente faciendam & publicandam.

De juramento a Vocalibus præstando.

De præliminariis ad electionem Provincialis.

De electione Ministrorum Conventualium, Vocalium pro futuro Capitulo Generali &c.

Facultas Capitulis Provincialibus condendi novas Ordinationes ad regimen suæ Provinciæ.

De examine Studentium ad gratum, Lectoris promovendum.